

大復集

九



和 16
1205
9



大復集卷第二十六

都指揮婚袁璨列

七言律詩六十三首



別王秉衡御史

客車梁地相逢日、驄馬秦關獨去時、
荏苒風塵千里別、飄零江海六年思、
旌旗暮入黃河戍、殿閣晴登華嶽祠、
攬纜只未應違壯志、揮毫先已見雄詞、

元夜仲脩宅對月

春月同看此地圖，酒杯聊得慰愁顏。
宮前火樹暗相照，苑外金珂晚並還。
南去漢兵連楚蜀，北來胡馬傍聞山。
侍臣尚憶先皇宴，慚近清光霄漢間。

省中贈勤甫

春城紫禁轉逶迤，退食相尋出省遲。
晝漏遲從宮閣報，晴雲先傍苑牆移。
行吟才子陽春賦，坐映仙郎白雪姿。
少日從遊並英俊，十年潦倒愧

君知。

遊郭氏園

郭侯園林清客心，况有樓閣炎天陰。
亭々高雲石五色，颯々白日松千尋。
已辨清尊為樂事，不須出閣開塵襟。
鄭谷秦樓豈異此，市朝巖壑空長吟。

送杜司訓之藍田

少陵詩卷名山水，王氏丹青老歲華。
勝地常令

一悵望、儒冠今喜慰生涯、青氈不愧南岩草、白
髮何愁杜曲花、秦嶺終南得見否、宦遊吾已倦
塵沙、

送張子之浙江

張子別我吟玉壺、荷花五月下江湖、南探禹穴
行逾遠、東望滄溟興不孤、司馬少年遊萬里、左
思當日賦三都、平生壯觀今塵土、回首高歌愧
爾徒、

寄杭東鄉高曾唯二憲副

舊遊俱是吳中俊、相憶遙為越下吟、他日雲霄
須比翼、此時金石更同心、樓舡水戰江流急、鼓
角秋城海日陰、寇賊兩鄉今阻絕、北雲南樹各
沾襟、

簡施聘之

欲拔御史新驄馬、擬脫仙郎舊錦袍、五色文章
真鳳為、百年功利一鴻毛、當壚不愛燕姬少、倚

琴番驚越調高二十年来空落魄風流今已愧
人豪

壽西涯相公

黃閣文章鳴大雅玉機功業替維新十年天下
先憂淚五畝園中獨樂身南極壽星朝北斗靈
芝仙草映長春裴公郭相看前代社稷蒼生
望老臣

小齋初開崔郭田三君子至

本買堂齋為客居敢扳冠蓋枉吾唐清風坐引
高人榻深夜門停長者車竹下涼蟾輝几杖花
間螢火靜琴書黃門翰苑俱鄰近濁酒盤盃食意
不疎

送雷長史

彤管先朝隨帝子白頭今日奉王孫漢
庭亦羨相如美楚客重看賈傳尊花下圖書開
玉殿日高琴瑟在朱門十年亭閣淮西宴腸斷

梁王雪夜樽

寄黔國公

萬里山川開百粵，十年戎馬暗三巴。
伏波銅柱衝炎塞，橫海樓船出瘴沙。
鴻雁不傳天北字，瓊瑤空憶日南華。
飄飄奉使金門客，目斷銀河八月槎。

送趙元澤之嵩明州

日莫千花出漢園，秋深萬水入湘沅。
干戈喜見

黃塵自心動業愁，看白髮繁西域瑤琨常北負南。
天星斗似中原一，官萬里何嗟嘆倚劍長歌行路言。

七夕

楚客旅魂驚巧夕，燕京風俗鬪穿針。
樓臺送暑催秋扇，關塞迎寒起暮砧。
海內弟兄風雨夢，天涯兒女歲時心。
乘槎莫問支機石，河漢年年此夜陰。

雨夕集世其館

秋風浙々吹人衣、鳴雨蕭々晚細微、萬里賓朋
留不數十年、江海願常遠、高城木葉聞先下、客
舍流螢見已稀、為報春來鴻鴈侶、塞門霜雪好
南歸、

八日勤甫惠菊

燕京明日是九日、庭下菊花無一花、豈憶高人
分玉樹、遂令僻地有瑤華、當軒獨酌憐秋石、倚
檻叢開映晚沙、便語南隣田給事、不防就飲過
西家、

宗哲初至夜集

衛川舟楫九秋旋、京洛衣冠更此筵、萬里况逢
鴻鴈候、一杯仍對菊花天、燈前月落城烏起、堂
上雲開塔樹懸、聚散古今同逆旅、莫看鳳皇信
悽然、

九日送師御史之浙中

燕臺九日送行旌、欲行不行驄馬鳴、袒席正逢
黃菊興、親闈先動白雲情、霜飄斧鉞江邊駐、日
出樓船海上行、磊落此身真報主、豈徒壯觀
說平生、

白髮和張子純

我見秋風驚壯心、君悲白髮苦相侵、愁多不道
潘年少、吟苦誰知越思深、客裏歲時供覽鏡、天
邊霜雪助沾襟、平生浪說如雲盛、蓬鬢稀疏底

似今

送張國賓進萬壽表還

名王表達維藩禮、賓使恩勤奉教時、鳳管暫停
秦女曲、龍旂遠覲漢官儀、秋帆旅夢迴青瑣、春
草鄉情動玉池、歸到定知承睿問、雪園梅殿有
佳期、

送張元德巡畿內

漢京樓殿鬱雲虹、淮海文章御史驄、三輔自來

多寇盜、五陵今日更豪雄、埋輪亦在都亭下、攬
轡仍行甸服中、滹水太行烟霧裏、獨看高隼擊
霜空、

夜集劉德徵

冬夜深杯醉減愁、北堂寒色坐幽、長安第宅
頻相過、海內冠裳此並遊、竹靜几燈懸近牖、天
清霜月起明樓、燕南楚北誰非客、旅鴈賓鴻各
自求、

慈仁寺送良伯

入寺松陰散鶴群、出城冬旭裊烟氛、叢篁僻地
猶風葉、獨鴈荒臺倍朔雲、不奈旅魂江北斷、更
看仙侶日邊分、燕山樓閣暗無數、朝暮鐘聲送
客聞、

劉德徵上陵還有贈

仙郎昨自五陵歸、駿馬朝回獨掩扉、已向西山
瞻帝寢、更從北極眺王畿、霜鐘澗壑流清

勤清樓

漢玉殿松杉影翠微
先帝侍臣零落盡
秦園宮草日霏霏

登勤甫樓

天畔登樓久日微
帝京臨眺轉依依
河水海雲春聲動
苑柳官梅歲色歸
豈意雲霄今不榻
祇緣鄉土更沾衣
凡塵此地愁回首
高洛他年願不違

月夜王宗哲宅贈田子之江西

高城吹角此宵寒
遠客今歌行路難
歲暮風烟殊去住
天涯燈火共悲歡
西江日落移舟入
南斗星懸倚劍看
廬岳五山千萬里
不知何地望長安

送劉侍御謫金壇

丹陽北郭是金壇
此去無歌行路難
當道豺狼曾避馬
得時鸛隼却驚鸞
風霜華杪留顏色
鐵石人間識肺肝
漢北陝南今涕淚
不知遷逐向何邊

江干

送王秉衡謫贛榆

嗟君萬里復南遷，此別江湖倍黯然。
日落塵沙行海上，春生霜雪到天邊。
中流得瓠常相保，九折回車且自全。
世路風塵各飄轉，不知携手是何年。

送許庭美之浙江

浙上烟塵接楚臯，干戈休嘆此行勞。
吳花越草

新詞賦海岫，江峰壯節旄。
誰惜鳳凰先折翼，獨教神駿久悲號。
尚書風義今如在，况覩君才奕世豪。

送韓師之邵陽

千金市馬幾登臺，老駿誰憐萬里才。
豈有明珠終暗擲，只看桃李向陽開。
劍門日落兵西阻，河華春生鴈北來。
父子通家真骨肉，不堪歧路重悲哀。

送殷近夫之青田

石川居士昔餐霞，為吏風塵不怨嗟。
海上故栽彭澤柳，江邊新種洛陽花。
飄飄暮送凌空鳥，渺渺春迴上漢槎。
安得便同仙令去，遠從勾漏覓丹砂。

奉寄泉山先生

北戰南征兵未休，我師高卧只林丘。
蒼生尚繫裴公望，白髮寧忘范老憂。
江上弋人徒慕鴈，海

乘一本作采

邊漁父不驚鷗，冥冥蘿月三山外。
獨倚京華萬里樓。

晚過君乘次韻

朔雲卧對寒城菊，燕月留沽晚市醪。
向客薜蘿南國遠，背人鴻鴈北風高。
杜陵愁極惟雙淚，潘岳情多已二毛。
同病相憐不同去，莫將江海問西曹。

得獻吉江西書

近得潯陽江上書，遙思李白更愁予。天邊魑魅
窺人過，日暮龜鼉傍客居。鼓柁襄江應未得，買
田陽羨定何如。他年淮水能相訪，桐栢山中共
結廬。

夜訪黃明甫

相憶江湖夢寐前，相逢京洛更悽然。白頭重感
同盟意，春雪猶傳寡和篇。醉裏菊花開晚暮，坐
深金鼓動霜天。十年岐路無窮事，話對秋堂夜

不眠。

雨過徐舍人

長安六月半雲雨，孺子輒窓清杳然。炎暑未能
侵此地，虛無只擬對江天。花邊冉冉輕雷映竹
裏，微微夕景懸。訪舊一尊那惜醉，衝泥匹馬更
須憐。

雨後汝立見過承詩贈

渺渺城波淨客堂，朝回高詠接仙郎。炎天忽送

風雷氣僻地，惟聞草木香。欲借沙堤漆水檻，抵
疑車馬駐江鄉。一杯暫許留今雨，隻字真看此
夜光。

十六夜劉子宅對月次韻

今
芙蓉清月鳳凰城，露白秋堂碧霧輕。一歲未令
今夜減，百年能得幾宵晴。雲間鸞鶴霓裳曲，海
上神仙赤石英。楚奏燕歌俱感激，塞垣江國重
言情。

夜過君采

天邊歸客滯寒城，下馬殘尊萬里情。冬館明燈
猶艷菊，水鄉春棹杳啼鶯。風塵歲暮愁相送，險
路人間恨獨行。莫把悲歌助哀柝，北堂今夕淚
沾纓。

無題回文

絃中曲怨不同調，早見相如病骨銷。眠獨夜鳥
啼淅淅，夢多春草碧迢迢。烟生暗閣鸞鳥沉，鏡日

落空樓鳳罷簫年
狂恨花飄水逝傳
書有鴈一停撓

送海岳陳翁還常州

海岳先生眉髮青
北遊歸興渺滄溟
雲霄萬里看辰極
河漢孤槎送客星
裊裊菊花南國宴
萋萋草北山亭
水雲曲奏流金石
風雨蛟龍夜夜聽

送良伯

去年秋杪遙相送
今歲冬殘復此行
寸草獨牽千里思
一枝同有上林情
江楓野泊停霜夜
海月官船動水程
何處逢人問消息
梅花南國望春生

以道席上送世其與其妹丈蕭執夫同行

燕山杯酒暫相隨
楚岸扁舟遠並移
鄉土青春歸有伴
風塵滄海見無期
舊遊每憶三江興
此

去遙傳五岳詩、弟妹憐予各飄轉、天涯送汝不
勝悲、

兩湖書屋

書屋何年結構成、青天對落兩湖清、岸迴沙檻
吞鼉壘、圻水抱晴窓、日月生、開卷已知當世事、下
惟應見古人情、扁舟南國無由並、暮采芙蓉悵
獨行、

送韓大之赴新都

漢庭仙令幾時回、蜀道風烟此日開、萬里一琴
將鶴去、九霄雙鳥望鳧來、雲邊石棧斜懸閣、樹
裏春流曲抱臺、藏器久知盤錯志、脫囊今見古
人才、

送劉朝信之江山

江山縣中山木蒼、颺颺風林開豫章、嶺石細通
閩鳥道、澗流斜帶楚人鄉、青天岸憤時行郭、白
日彈琴不下堂、同學共知年少志、豈將書劍負

行藏

簡汝立

汝病幾時辭省署，我懷終日念鄉關。
風塵對酒空行路，雨雪逢春尚在山。
少室三花無客采，小山叢桂有人攀。
淮南洛北如相訪，一鶴雲中往復還。

蘇考功宅宴集

九衢春月罷歌鐘，萬井晴烟翠欲重。
吏部文章

今再見、漢京冠蓋日相逢。
流鶯漸歷宮中柳，鳴鶴先傳寺裏松。
細酌清吟聊此席，北山南郭是吾縱。

荅盧侍御樊氏洞中觀梅見懷之作次韻

主家花憶繡衣人，仙洞詩看玉樹親。
未假霜威同索笑，却因麗藻獨傷春。
秦簫暗度樓中月，洛襪微生水上塵。
白雪西臺真有調，碧江東閣恨無津。

送賈學士之南都

金陵樓閣九天開，銀漢仙槎萬里來。
宮月夜懸鳩鵲觀，江流春轉鳳凰臺。
直從北極看南極，却望中台接上台。
嗚世早傳吳下作，逢時真羨洛陽才。

和李宗易內翰立春日作

春日長安車馬迎，密烟輕旭弄朝晴。
詩來草動池塘色，吟罷花增館閣情。
萬里江湖桃竹杖，十年風雨鐵燈檠。
一官擣散空時序，又見春盤細菜生。

送施聘之侍御

海甸春風攬轡情，燕關駉馬去還鳴。
繡衣霄漢花間出，錦纜江湖樹裏行。
近日西臺多諫草，少年南國有詩名。
別絃更憶風流調，愁聽東城二月鶯。

送劉令還襄陵

襄

聞道襄陵有勝遊、西行風景似南州、竹蟠縣裏
青青出、水到城中曲曲流、仙客候鳥知下鳥、吏
人迎鵠見回舟、亦知枳棘棲鸞地、霧冕重來只
暫留、

送都南濠歸吳

愁論白首為郎日、喜見青山送老年、去里雲霄
皆動色、到知鄉里更稱賢、丹梯五岳盧敖杖、春
水三江范蠡船、他日著書應不少、可無人識子

雲玄

輓陳翁

復清堂上罷鳴琴、彭澤門前柳日陰、萬里聲名
傳翰墨、百年圖畫想山林、江邊鴻鴈真真逝、海
曲蛟龍夜夜吟、五色近看雙鳳羽、赤霄應慰九
原心、

三忠祠

三忠祠在 帝城東、檜栢陰、沙院風朝暮冠

畫
裳頻下馬、春秋香火一開宮、中原滂淚江山遠、
異代精靈廟宇同、漢業崩摧如宋業、古今南北
恨無窮、

送杭憲副兵備天津

天津橋北望京樓、金鼓東行節使舟、日月畫懸
滄海樹龍蛇、春壓九河流、百年貢篚通南極、萬
里旌旄屬上游、莫笑談兵尊俎上、書生元不為
封侯、

謁李文達公祠堂

故相勲名未渺茫、先朝賜第轉輝光、青松雷
雨餘枝幹、古屋塵埃自棟梁、魚水已無千載遇、
斗山安有一時忘、雲孫更是通家誼、常拜冠裳
到此堂、

行慶堂為無錫錢世喬作

華堂結構琴書敞、吳越衣冠族姓繁、遠向西山
占氣勢、深從江水問泉源、新巢燕雀生成去、古

木蛟龍屈曲蟠他日長卿乘駟馬始知于氏有
高門

寄世恩愛日樓

東曹昔賦望雲行南國今傳愛日名九折豈忘
回馭志百年真慰倚門情江鄉春水鱖魚至海
岸冬雷竹笋生珍重樓中調膳者此身何止萬
金輕

送闕郡博

郡學宮牆入翠微廣文今去有光輝久知白首
耳貧病且坐青毡息是非石磬古堂時自發風
零春服暮同歸城中來往多冠蓋名教無言樂
地稀

送吳司訓之內兵

內丘城閣夏陰陰窈窕儒官雙檜林六月沙郊
騎馬到四時潭水聽龍吟青毡况屬斯文地朱
琴還聞大雅音亦是洛陽年少士白頭今日始

冠簪

鮓魚

五月鮓魚已至燕荔枝盧橘未應先賜鮮徧及
中璫第薦熟誰開寢廟筵白日風塵馳驛騎炎
天水雪護江船銀鱗細骨堪憐汝玉筋金盤敢
望傳

大復集卷第二十六

大復集卷第二十七

七言律詩五十八首

雨過何太僕

簷日陰陰喧晚雷坐深庭樹不思回
振風鶴鶴城邊去截雨虹蜺海上來
詩興西堂還舊夢酒杯東閣又官梅
陰符遁甲談兵罷愁向烟塵兩
鬢催

為隴州李舉人壽其伯尚書公

見說尚書解綬還，七年高臥隴西山。曾懸履舄
星辰上，更閃旌旗楚蜀間。老伴青松全晚節，靜
餐丹藥駐春顏。竹林仲子追隨地，二阮風流尚
可攀。

答劉子縉雨後之作次韻

萬里秋風張翰魚，扁舟常憶楚江漁。窮愁阮籍
猶耽酒，老病虞卿只著書。風晝海蒸雲自起，水
天沙霽日微舒。劉郎數月稀相見，喜送新詩慰

索居

天壇雷道士院

帝宮高鎖漢郊畿，羽士琴書靜可依。蘿洞畫樓
雲霧入，石壇秋禮珮環歸。叢叢最晚竹，臨風整
嘒玄蟬曳。日微渡海却思千載事，買山今恨十
年違。

送王御史德輝西巡

中朝御史重西巡，獨下青霄斧鉞新。隴雪兆雲

行塞日胡琴羌管奏邊春
蒲桃不博涼州地
天馬還隨漢使臣
白筆萬人看氣象
昔令河外有烟塵

送衛進士推武昌府

少年佐郡楚城居
十郡風流盡不如
此去且隨彭蠡鴈
何須不食武昌魚
仙人樓閣春雲裏
賈客帆檣晚照餘
大別山前江漢水
畫簾終日對清虛

裏一本作入

送顧隱君還常州君來視其姪中書子進士

北庭綵袖日邊間
南甸青山海上分
阮氏竹林推叔父
謝家王樹有郎君
河關曉發隨燕鴈
江路秋帆拂楚雲
歸向惠泉携舊客
菊筵開酒送清芬

十六夜尹舍人宅次劉汝忠韻

今年月色倍常年
今夕還如昨夕圓
江上元龜

氏

皆有窟塞南鴻鴈不同天坐遲宿霧開風館酒
罷餘輝散燭遙忽聽玉簫傳鳳曲瓊樓高處絲
雲偏

九日獨酌簡何太僕

無客秋堂菊自芳寒城獨酌對重陽愁來轉覺
登臺懶病裏誰傳落帽狂海內弟兄非異姓楚
南賓客本同鄉十年躍馬從吾地風雨看花意
不忘

冬至

小至燕關眺望深吐雲山谷氣陰陰異鄉盃酒
誰相醉獨客篇詩祇自吟入面風霜增老色向
人梅柳動春心江湖更發南尋興極目茅堂楚
岸林

送杭大參之河南

十年京國重才雄汝鄧山川喜借公杜甫交遊
傾海內謝家兄弟擅江東褰帷正屬瘡癥日開

府元當控扼中、夕暮遙看南去節、楚天春望北
來鴻、

同馮光祿登慈仁寺閣

今度慈仁寺閣遊、翠烟冬日抱重樓、冥冥繡拱
盤空界、裊裊丹梯接、帝州立傍星辰天、北極
坐看雲霧海東流、也知光祿高情興、自合題詩
在上頭、

哭以道

淚墮平生邂逅吟、想看垂死更傷心、天涯見面
愁雖減、海上傳書病已深、萬里艱難歸葬日、百
年哀怨絕絃音、他時若挂留徐劍、忍向橋山覓
暮林、

送以正歸其兄視還關中二首

賢兄客死在燕山、今弟將歸陝路難、哭向北雲
扶旅襯、望窮西日見鄉關、原鴿雪羽飛偏急、屋
樹春花發自班、岐路斷腸生死別、暮天回首淚

潺湲

二

君家昆季總能文，哭友那堪更送君。
嗚咽黃河流渭水，迢遙白雪度秦雲。
郎看斷鴈離群去，况屬連枝落葉分。
少弟長安終日望，南來消息早相聞。

二月見梅

二月寒梅開滿枝，素心寧與艷陽期。
攀桃映李

千花妬弄日，含風一樹垂。
不向天涯傷歲暮，豈緣江北見春遲。
巡簷一笑聊相慰，鬪色爭妍非爾時。

送蔣冬官病還揚州

臥病長安不出門，話歸南國暫留尊。
春來日日風塵色，海畔冥冥天地昏。
坐傍桃花停岸舸，行隨楊柳到江村。
楚山亦有靡蕪草，遊子空傷萬里魂。

九日同張膳部劉符臺遊法藏寺

東林地僻無人到，九日天清有伴尋。
在野興深增感慨，望鄉心遠慰登臨。
叢篁雨歇春牆碧，老樹霜留古殿陰。
共酌昏鍾驅馬出，獨聆風鶴送餘音。

詩上竹夫內翰兄聊寫墮珠之痛兼致
旁蘭之望云

四十生兒身未老，萬行哭子淚難收。
乍看入掌

明珠動不見，凌雲玉樹留門下。
公侯應有種，堂中賓客尚回頭。
蕙蘭若報三春夢，消息先寬二老憂。

對雪 一本題嚴內翰賜扇

端陽綵扇百官傳，每歲宮臣賜獨偏。
君去翰林供奉久，始來經幄拜恩年。
頒從殿閣風先動，捧向雲霄月並懸。
象轂銀鑲倍光寵，好揚薰吹助

虞綵

寄題鄭園

三山今有鄭公園、避俗從來亦避喧、
羅竹春日垂谷口、花林靄靄覆桃源、
天邊鴻雁春寥廓、海畔蛟龍畫曲蟠、
南斗尺書招隱意、白靈叢挂幾攀翻、

立春日

楚客年華悲塞國、燕京春色念江潭、
香迎苑雪梅先放、翠入宮烟柳乍含、
行在旌旗猶駐北朝

正冠冕自通南、青山起策青藜杖、
白髮羞看白玉簪、

送陸舍人使吳下

柳拂清江畫鷁飛、節旄更喜便南歸、
迴風樹裏吹官騎、返照河邊上客衣、
北固樓臺秋寺遍、長洲花草故宮非、
登臨莫恠多詞賦、吳下才人是陸機、

送徐舍人使南都

御書親奉出金扉、草緣南徐四牡駢、江上登臨
鄉思遠、客中離別宦情微、潮生鐵甕迷前代、雲
起金陵識舊畿、悵望一春詩社冷、有誰吟對省
中微、

送秦豫齋南歸領教安仁

兩年京國喜同遊、忍送孤帆下潞洲、世事悠悠、
鴈南去、客懷渺、水東流、雲間樹色通吳會、月
下潮聲過石頭、聞到錦江三畝宅、開門遙對萬

峰秋、

送李長蘆先生

十年相見信相親、風表依然道義存、幾憶趨庭
陪鯉對、無緣縮地拜龍門、停杯慷慨論前事、撫
劍踟躇感舊恩、一別重逢更何處、鴈聲東下海
雲昏、

送徐主事還金陵

送客出門三月暮、片帆遙見石頭城、南方山水

潮

登仙興北望星辰戀主情。花暗河津。天雨細月
殘江館。夜潮平。鳳凰臺上重回首。六代繁華。野
草生。

送夏少參之蜀

岷峨東下江水流。劍閣西來烟霧收。黃牛峽隘
幾人到。金馬臺荒。何處求父老三巴。應曷望丈
夫。萬里是奇遊。錦官城外經行處。古柏祠前拜
武侯。

至日過徐德章

竹門寒旭鳳城隈。春氣潛浮地底灰。世路十年
長不定。客懷此日更難開。天邊梅柳垂垂發。歲
暮陰陽冉冉催。見說吳江酒船到。即拚留飲夜
深回。

陸子樓夜集

客來繫馬樓前樹。暮倚危闌對雪峰。人世百年
還易過。天涯此會亦難逢。浮烟近接千家市。落

日遙聞萬井鐘殘歲良霄俱可惜紅塵分年莫
匆匆

望雪

中原日見黃塵生上國空懸白雪情當畫風雲
垂忽散久晴江海凍難成農人隔歲猶須慮寇
賊今冬尚未平安得時和人更樂普天無盜勸
春耕

送周令之蒙城

少年學道天下無白首談兵氣尚麤郎位星辰
瞻百里縣城山水接中都留侯黃石橋邊履葛
令丹砂海上爐暫向風塵淹老驥擬看雲影候
仙鳧

巫谷草堂贈許廷綸

萬里河山一草萊百年松檜此堂開晴瞻華岳
青天上畫望仙人紫氣來避世且耕歸馬地乘
時須起卧龍才長安送別風塵暮洛日嵩雲首

重回

寄康子

十年朋輩飄零盡、海內兵戈戰鬪餘、
花劇秦川誰見汝、鴈稀燕北渺愁予、
碧山擬著潛夫論、丹壁應藏太史書、
自嘆此身今更出、風塵空望玉雲居、

壽羅山胡侍御先生

直道清風天下重、壽年况復古來稀、
江邊舟楫

非忘世、海內干戈早拂衣、白石靈芝春自長、
秋山黃鶴健高飛、更喜綉衣經故里、遙看綵服拜
重闈、

和王司封

仙省新詩幾度傳、一吟鄉思一凄然、
許身自比南金重、浪迹聊為曲木全、
燕地湖山春酒畔、楚天風雨夜灯前、
看雲聽鳥同今日、躍馬登龍憶往年、

送李公從地官

鄉路春行傍九河，帝京晴望五雲多。
城邊金鼓花時發，海畔樓船日夕過。
樹映仙郎添寵色，草迎遊子助悲歌。
同朝更待青霄節，並馬能忘白玉珂。

送白生

黃河雷雨靜沙塵，遊子燕山楚濱。
觀國真隨青鎖士，還家遙慰白頭親。
雲間騾馬千金化

下斑斕五色新聞說

舊賓友北城樓閣宴

遊頻

用韻答以行

無容琴書畫掩堂，有詩先夢謝家郎。
雨來碧草遙添色，風過紅蕖不斷香。
多病更逢愁是敵，此身那得醉為鄉。
卷南卷北稀相見，偏側歌殘送夕光。

石磯

石磯無伴滿蒼苔，秋社春蘭晚自開。
江日烟波雙鳥去，楚天風雨一舟來。
釣鱖獨有滄溟興，夢鶴誰知赤壁才。
芳草歸人不愁思，水雲山郭見章臺。

元夕以道宅同蘇管二君子

烟滿春城夜色凝，露融金掌月初升。
愁邊鼓吹頻催宴，望裏樓臺盡放燈。
四海朋簪今有盡，十年岐路已無憑。
相知更遇秦中俊，欲贈瓊琚恨未能。

輓范君山和其絕筆詩

老去詩篇興未休，吏情終日問滄洲。
寒江夢落烟波斷，南嶽魂來霧嶂收。
一別人間真異世，十年天上可同遊。
魚龍寂寞瀟湘冷，誰采蘋花薦晚秋。

雲卿是訪次韻

悠悠世路誰知己，莽莽乾坤獨愛才。
近接南州

留下榻、久開西閣待傳杯、雪霜暮向天邊盡、鴻
鴈春從海上来、細柳明沙相送地、不妨騎馬夜
深迴、

封君許太史公壽章

仙人親捧紫瑤編、鳳鳥雙盤赤錦箋、天上封章
傳翰苑、山中壽酒屬春筵、星辰影動台垣裏、林
壑光生海岳前、回問郎君碧霄路、石麟金馬玉
堂懸、

過寺訪以行

今年春色倍堪思、奈爾春春病起遲、煦曠太行
雲、衛處坐聞江漢鴈來時、柳香漸撲燕姬酒、草
色頻催謝客詩、更欲息栖尋野寺、細羅芳杜碧
山期、

送戴進士時亮

戴生長嘯出燕州、知爾尋仙不可留、相望有時
攀玉樹、此行何地訪丹丘、乘風遊鼓洪濤把觀

日回登滄海樓、白晝杳然生羽翼、青日雲姿羨
帝鄉遊、

登樓觀閣時王令明叔邀張用昭段德

光王敬夫康德涵四子同遊二首以下秦集

百丈丹梯俯翠岑、千年壇殿肅陰陰、風吹陸海
黃塵暗、雲去函關紫氣沉、春花况屬絃歌色、勝
地還成翰墨林、香山洛社俱寒落、文采流傳百
到今、

二

峻閣含風落照孤、憑高千里視平蕪、鳳笙錦曲
春縹緲、瑤草金光畫有無、採藥幾時尋碧海、種
桃無復問玄都、五陵冠劍豪遊地、猶是長安舊
酒徒、

輞川

飛泉萬壑通藍水、仄徑千峰入輞川、野老豈知
旌節到、世人空作畫圖傳、龜鼉岸圻深無地、鷄

大林開忽有天，即此買山堪避俗。桃源何必訪神仙。

華州作東尋汝公

秋城雨色靜微塵，過陝山河望轉新。天上岳蓮開二華，雲中關樹引三秦。追遊少小還今日，浪迹乾坤任此身。乘興欲攀仙掌去，未知登覽共何人。

東林書院

東林精舍接東城，出谷先歌伐木聲。氣象夕瞻程伯子，樞趨今見魯諸生。芝蘭入室香俱化，桃李開門樹總成。河渭滔滔同向海，濟川舟楫幾時行。

劉士奇張時濟過觀雪竹

裊裊朱絃留上客，泠泠脩竹對高軒。重簷舞雪銀花綴，曲檻回風翠葉翻。湘浦珮環臨渭浦，秦國詞賦擬梁園。從今開徑延三益，聊共傾壺散

鬱煩

送胡子承之北上

秦關迢迢南山曲、漢閣嶙峋北極長、揚策馳誇
終孺子、上書不學老鴈唐、斗邊銀漢仙槎影、天
上春雲畫省香、此去中朝才子列、定知詞賦有
輝光、

送盛斯徵巡撫四川

向來才籍九重知、此去勳名萬里馳、玉壘霜

威侵斧鉞錦城花色駐旌旗、征南諸葛籌先定、
化蜀文翁事更宜、蜀水秦山元自接、好音莫遺
北來遲、

七言排律二首

平夷所老人使集

平夷老人髮兩肩、哀哀淚落古城烟、歲收十粟
輸田賦、日向諸鄰乞米錢、風雨飢寒趨路側、子
孫流落避兵年、青春有伴難還土、白首無家尚

戍邊宮裏征徃何日已、軍中苦樂古來偏、魂驚
戰鼓心猶怯、臂中飛弧肉盡穿、獨去負戈巡夜
砦、誰來鎔甲種春田、朝廷德意思柔遠、日關
謨猷在識先、夷狄本為王者外、卒徒能受帥師
憐、敢愁溝壑填衰謝、只擬封疆息穢羶、我願麾
前法唐將、籌邊有策到今傳、

寄李郎中家集

星辰畫省鳳凰池、同接金門白玉墀、庭樹畫閑

褰碧幕、苑花春好並金羈、西京車馬誰言樂、東
漢衣冠忽已悲、萬里艱難歸故土、兩鄉迢遞限
雲達、青真垂翅人皆惜、白日批鱗世所知、天上
神仙元有謫、古來賢聖本多危、陸機入洛名逾
盛、司馬遊梁賦益奇、海內競傳高士傳、朝廷
誰訴黨人碑、齊堂雷震寃臣出、魏闕天高獄吏
欺、千古死灰安國淚、萬年災異廣川辭、虞羅亦
放冥飛鳥、卜獵何煩後載罷、得失竟須知塞馬、

榮華終不易，塗龜嗟予蹇。拙慚君匹，念汝風流
賈我師。素處自應思故舊，生涯今已笑支離。遨
遊昔忝登龍會，驚下深懷附驥思。貢禹王陽同
出處，鍾期伯子是交期。河陽雲樹情俱苦，渭曲
烟花願豈遲。回首西山多寇盜，扁舟南國有旌
旗。腐儒潦倒愁蒲壑，遊子飄零枉歲時。路阻時
危難會面，不禁涕淚望君垂。

大復集卷第二十七

大復集卷第二十八

五言絕句六十七首

兵書峽使集

空巖一卷書，綠苔字應滅。志決功不成，千秋有
餘烈。

絡緯吟以下家集

絡緯催寒女，悲吟入總幃。秋風啼不斷，相伴下
鳴機。

雨後十首

水漲孤村白。天垂四野青。開門秋雨霽。閑步郭西亭。

竟夕雨連舍。今朝雲出溪。輕雷千嶂外。斜日數家西。

三日不出門。草長門前路。登樓一水明。倚柱千山暮。

人歸郭門樹。鳥噪野田風。雨散高城上。日落深

澗中。

畫角城隈起。風吹響入雲。清秋易生感。深夜更多聞。

遙看三角山。正在雲生處。日暮山中人。空攀荔枝樹。

片片白鷗鳥。看人隊隊飛。沙頭莫相認。與爾久忘機。

檻倚崩沙出。籬通亂水過。家人休掃石。自愛碧

若多

朝聞城西鐘。暮望城西寺。寺傍二古松。長藤垂
到地。

塘邊楊柳樹。秦條秋未催。已送黃鸝去。還看白
鷺來。

八哥

窻前八哥鳥。學語太輕狂。何須似鸚鵡。自遣羽
毛傷。

獨坐

獨坐鳴虫起。秋懷已不勝。西風窻下度。木葉洒
寒燈。

獨立

獨立對秋陰。冥冥望河渚。只見沙上烟。不見烟
中雨。

風雨

西郊秋日暮。雨細更風斜。應為重陽近。來催菊

著花

長安

白雲望不盡。高樓空倚欄。中霄鴻鴈過。來處是長安。

簡趙雪舟乞菊二首

聞道君家菊。黃花爛熳開。若能移贈我。端勝白衣來。

我有白玉酒。君有黃金花。相見九日到。分送野

人家

九月挑梨花

九月挑梨樹。花開滿故枝。寄言車馬客。不是豔陽時。

寄東之憲副二首

百里山河外。孤城雨雪中。遷鶯猶未起。應是待春風。

長安經歲別。日日望春歸。不及隨陽鳥。雙雙又

北飛

寄孫世其四首

騾裏如龍馬長鳴碧草萎莫將千里志暫是悔蹶
霜蹄

對書當為讀對食當為飽平生無限事努力在
遠道

戴生北上日吾吟寶劍篇相過若相見高評亦
堪傳

旅食京華暮那能不憶家封書何日至塞鴈一
行斜

白雪曲十首

美人朝玩雪置酒臨高臺祇疑仲春月風送落
花來

舞雪流中堂揮袖拂不去細看簷外花半著庭
中樹

暗逐梁塵起瀟隨燭影流似憐歌舞處故故入

瀟一作潛

文選思去賦
作西施而弗御兮繫
腰裏以服箱

高樓

弱雪不到地宛轉高雲裏時有飛花落風迴更吹起

梅花開雪中相看鬪奇絕常教雪似花莫遣花成雪

裊裊客城烟皚皚積暮天六花呈此日三白兆新年

艷曲燈前轉輕盃掌上揮開簾炫積素當戶挹

流輝

駿馬黃金鏡胡鷹赤錦絛風搏千里翻雪點五花毛

公子狐白裘馳馬城東陌不見馬行影但見雪花白

簾幃照明雪美人起常早行看玉階上一夜長瑤草

出寺

孟嘗君傳
幸姬曰妾願得
君狐白裘

春遊翠微裏、晚下白蓮臺、立馬遙回首、青山暮
雨來、

酬重上人送茶

鬱鬱雲中秀、山僧採相饋、我有毒熱腸、此是清
涼味、

雨雪歌

千巖雲電列、萬壑風霆翻、中霄雨撼壁、平明雪
滿山、

小景四首

樓閣倚江濱、桃花照暮春、安知看花者、不是武
陵人、

草閣散晴烟、柴門竹樹邊、門前有江水、常過打
魚船、

照日楓林赤、含風菊蕊黃、家家白酒熟、何處過
重陽、

遠崖凍雲落、高林寒日斜、前村昨夜雪、聞說有

梅花

寄李獻吉二首

君作梁園客，予登楚水臺。春風河上柳，不寄一枝來。

渭水天邊樹，黃河日暮流。春來千里外，知爾故鄉愁。

題畫

翠壁層層合，高松颯颯寒。白雲畫不掃，常滿石

闌干

空屋見桃花

山桃空屋裡，轉徙未還家。獨有春風到，猶開滿院花。

席上分得時字送豫齋二首京集

澤國登樓處，江船見月時。回書寄來使，多是客中詩。

花影晚離離，迢遙動遠思。清宵不成寐，山雨到

窓時

雙梧草堂二首

君愛堂前樹。峩峩碧幹雙。相思秋月下。楓子落雲窓。

記得別草堂。采采桐始華。銀床飄一葉。秋到美人家。

扇面小景

山色碧於苔。晴窓日日開。遙知抱琴者。應為看

山來

題畫二首

縹緲春山雲。離離春江樹。君看江上山。不是人間世。

古洞入青真。山通武陵渡。漁郎莫放舟。恐失花間路。

飲鮑以忠

萬戶夾垂楊。君家大道傍。相逢一樽酒。何惜醉

他鄉

謝秦公饋杏

饋我高林杏。開函爛如火。安得祗樹園。從公間
真果

送秦公茶

英英白雲華。采采六山秀。為問病維摩。此味清
涼否

晚出左掖簡君采二首

河一本作橋

玉河迴宛轉。丹闕對嶙峋。出入雲霄上。蹉跎江
海身

露重芙蓉館。雲輕翡翠城。文園病司馬。消渴望
金莖

清明二首

城南好花樹。不作看花行。恰好人來日。春風不
放晴

何限新桃李。春來樹樹花。不爭風雨惡。無奈委

泥沙

秋日簡川甫

紅葉翻霜畫。青苔積暮天。若無垣子過。誰問子雲玄。

荅施主二首

二泉門下士。海內早知名。通家一書札。萬里各含情。

日射江門動。龍蟠海霧生。排空有羽翼。不上九

主當作生

天行

至日寄荅良伯

天邊登北樓。歲暮却南國。江梅與塞柳。莫問春消息。

十六夜賞月野塘宅

今夕非昨夕。清光依舊多。後庭開月燕。窈窕轉春歌。

鳳縣秦集

畢郢藏龍地、南岐集鳳岡、嘉陵江水色、萬古向
西康。

六言附 九首

贈賈司教先生 以下家集

春風桃李絳帳朝、日管蒼空盤、王公不志溫飽、
鄭老豈為飢寒、

一賤一貴世能有、憂有樂人情應鱣、閑西夫子、
知魚濠上先生、

上元葉邦重別墅歸

昏鐘野寺到郭、晚飯人家出村、斜日山顛水曲、
東風萬戶千門、星河渡口深夜、燈火城中上元、
猶似去年今夕、不堪烟景銷魂、

江南思四首寄曹毅之 以下京集

燈下雨鳴秋舫、浦口潮迴暮鐘、何處相思不見、
江南開遍芙蓉、

月冷荒祠苦竹、秋清玉殿蒼苔、一望雲帆無際、

沙明白鳥飛來

細雨寒城催棹、夕陽孤嶼鳴鐘、到寺莫題蕉葉、
渡江為採芙蓉、

竹淨始嬋帶月、山寒昏昏沉暉、天邊晚樹獨眺、
江上春潮客歸、

整屋清明日二首 秦集

客裏遙逢令節、城中不見繁華、南山漢、烟遠、
清渭迢迢日斜、

獨樹桃花自發、高樓燕子誰家、可惜年年春色、
催人白髮天涯、

七言絕句四十二首

溪上水新至漫興 四首以下 秦集

溪上水生三尺深、茅堂清夏氣蕭森、無錢即買
扁舟至、繫向門前柳樹陰、

雙飛鷓鴣戀青莎、對舞蜻蜓愛碧波、一夕水風
開菡萏、畫船齊唱採蓮歌、

菡萏風前花不稀、菖蒲雨後葉初肥、黃鸝白鷺
知人意、來往鸕鷀洲上飛、

碧沙青泥俱可憐、白鯉赤鯉不論錢、莫嘆鄰翁
生計拙、買船沽酒過年年、

秋日雜興十五首

寒蟬啼斷槿園空、萬樹凋傷八月中、只有南山
蒼挂在、一株花發向秋風、

雨花風葉抱堪憐、海燕江鴻各渺然、莫向高樓
空悵望、暮蟬多在夕陽邊、

野亭干橘未全黃、青柿紅梨俱待霜、南鄰老翁
種橡栗、已見兒童收滿床、

紫蔓青藤各一叢、野人籬落管西風、郊扉遠絕
誰能到、秋日蛩鳴豆葉中、

道上高墳古鬱林、夕園空鎖碧苔陰、人言啼鳥
多情思、却為誰家作好音、

急杵繁砧一郡秋、西風落月萬家樓、不知塞下

征人怨、但見閨中少婦愁、

八月飄零九月來、天時人事太相催、千紅萬紫
都看過、只有黃花與白梅、

荻岸秋清似畫圖、風高沙雁起相呼、何如莫去
瀟湘上、借爾烟波畫引維、

釣臺臺下瀨水清、釣臺臺上秋草生、當年誰是
持綸者、賢隱山高萬古情、

溪上茅齋楓樹林、渚雲沙日共陰陰、連朝不遣

家僮掃紅葉、蒼苔一尺深、

栢林楓岸迥宜看、楊柳芙蓉不柰寒、最愛高樓
好明月、莫教長笛倚闌干、

斜日村原秋水多、家家門巷好經過、繁絃急管
休相聒、田父山妻自解歌、

蒼鳧携子戲波瀾、懶墮輕鷗不下灘、白鷺照影
秋塘裏、似爾心情亦太安、

鱖、鯉、劍三尺身、纖鱗照水白如銀、未須更論

成龍勢只在溪中亦有神、
竹靜沙寒野日低、門前秋草不成蹊、山禽汝亦
何多事、來向棠梨樹上啼、

雞鳴曲三首

雞鳴城中滿樹霜、青樓旭日照流黃、鳴箏錦瑟
秋塵裏、玉鴈金蟬共一行、
青樓遙臨大道衢、美人雞鳴著繡襦、誰家公子
過樓下、那不繫爾千金駒、

樓上羅幃映早霞、不須重開鏡中華、春蘭秋菊
皆零落、爭似萸蒲不作花、

喜戴仲鵬得鄉薦二首

梁園宋苑却宜秋、夾道槐花照綺樓、試問東瀛
海邊住、何如金明池上游、

馬上秋風得意歸、丈夫豈是愛輕肥、傍人休訝
新年少、曾向長安作布衣、

慰任宏器諸友失第二首

莫將遲暮怨飛蓬萬事還須問塞翁黃鵠但教
毛羽在不妨失意下秋風

青雲白髮太難平去鴈來鴻亦世情我亦少時
曾得意十年回首是浮名

對菊四首

三閭大夫不願醉五柳先生不願醒一醒一醉
緣何事坐對寒花烟滿庭

菊過重陽閣更繁城中車馬未曾看種來本是

山家物白露青霜共暮寒

檻畔輝輝纖月斜幽香獨立殿年華多情似與
詩人約一夜還開四五花

露委烟斜更有情黃花紫萼大分明只教秋色
常為主莫遣西風死落英

葡萄二首

暗闌裊裊風鬚動暑架垂垂露乳寒却憶高樓
清夏日美人常對水晶盤

漢家葡萄出西城斗酒曾博涼州成當日誰知
使者勞至今人種葡萄樹

簡賈司教二首

郭西茅屋帶峯巒竹徑花闌亦可看騎馬自來
還自去無人知是廣文宮

古壇雙樹挺秋烟廢院殘花照暮天門外掃除
無俗客我來時復伴青氈

吾郡古要害地也閑居興懷追評古跡

作詩八首

西來一道是淮源南向千峰盡楚山風雲尚擁
蛟龍窟天地曾開虎豹關

寂寂孤城申伯臺廢園遺沼盡堪哀繁華惟見
東流去歌舞空傳此地來

南山西嶺自天來翠壁丹崖映日開不見當時
臥龍者只今惟有釣魚臺

仙人昔返上清家留下仙壇號紫霞世人不識

蓬萊樹道士空餐松栢花

郡西山畔舊禪宮朝暮風烟多不同已見樓臺
翠微裏更聞鐘鼓白雲中

震雷山頭石潭水夜夜蛟龍行雨歸青春下與
滄溟會白日常聞霹靂飛

楚閔申成鬱茫茫野草春沙更斷腸山頭僧住
何年砦山下人耕古戰場

故謝城邊溪水流郢中風物更堪愁行人欲問

陽春曲此地猶傳白雪樓

大復集卷第二十八

大復集卷第二十九

七言絕句九十七首

別相餞諸友

雙井山邊送客時
滿林風雪倍相思
西行萬里
遙回首太華終南落日遲

友人夜宿

相逢猶憶十年前
青草書堂溪水邊
四海交遊
今殆半幾人
風雨對休眠

題馮大京畫蘭

雨葉風花獨奈寒
團春不借曲闌干
國香空谷無人見
映玉輝金畫裏看

適堅山寺

誰謂高僧不可逢
出城西望有雲松
騎驢不畏青泥坂
拄杖遙尋碧玉峰

雨中觀花七首

溪上雨色晚來頻
枚頭花朵大禁春
滿林燉爛

誰覺汝一樹分明
獨惱人

連朝風急雨滂沱
樹頭葉暗花不多
縱使明朝風雨息
蒼苔狼籍奈愁何

昨朝日照花盡開
今朝雨多花可哀
由來落花無根蒂
隨風吹去又吹來

正月已放山丹花
二月桃李似雲霞
城中少年紫騮馬
日暮來尋碧玉家

郭外春風次第來
杏花開後桃花開
近城早花

開已謝狂風猛雨更相催

紅花紫蕊千萬枝日夜雨打更風吹牡丹芍藥
莫太驟暖日晴烟開不遲

牡丹雖遲是花王芍藥留之殿春光好花元待
後時發穠李妖桃空自狂

賈西谷邀飲山寺朝信不至詩以促之
廣文邀客寺亭幽此是春山第二遊立馬望君
君不到不知城市為誰留

任洪器草亭四首

鄣簷當午溪雲渡花重寒枝閣曉庭芳草閉門
春寂寂東風吹雨半池青

薔薇深院無行跡風到閉門掃綠苔明月滿庭
香襲襲野塘新水藕花開

繞屋南山秋色靜數枝寒菊一籬烟酒醒讀罷
秋聲賦風落松梢響石泉

門外水流雲自起雪峯半出草堂西孤舟欲作

山陰夢月冷梅寒共一溪

岳豫之小畫四首

溪上水生茅屋涼溪邊風急樹顛狂山中車馬
何曾到祇有雲松畫日蒼

碧江樓閣夕陽邊萬壑千峰生暮烟江上長松
一千尺月明常繫打魚舡

百尺孤城對碧山層層樓觀倚雲間水明沙白
風濤靜更有何人到此關

樹下茅齋當畫清江邊寺閣倚新晴蒼苔石徑
無人到獨有幽人江上行

元夕懷都下之遊五首

憶昨長安元夕來五侯絃管上樓臺已見炬如
千樹列更看燈似百花開

龍岫層城接御溝香車寶勒夜深遊花坊競買
千金帶綺陌皆懸五色毬

夾路香塵夜不開萬人爭道看燈來金波宛傳

千門裏銀漢迤迤一道迴
紫禁煙花一萬層鼇山雲裏見峻嶒繁星散作
宮中炬明月來為殿上燈
白馬金珂上苑東六街歌舞散香風豪遊已作
三年夢愁對春燈此夜紅

題潘秀才吹笛畫

幽人橫吹滄江靜滿江月白青山映好作穿雲
裂石聲夜長恐有蛟龍聽

閨情

以下京集

秋風嫋嫋生羅衣美人夜泣紅燭微郎騎白馬
臨邛去樓一年年燕子歸

晚至昌平寺中

度盡青溪十里霜寒蕪落日下蒼茫山城薄酒
無錢買晚飯僧家石耳香

雪中漫興

長安雪花亂如雲樓道層城望不分行客遙傳

五侯宅。畫樓絲管畫紛紛。

寫情

莫將錦瑟怨年華。柳絮飄零夢謝家。小院迴廊
鎖春晝。何人來為掃庭花。

送鄉人還

楊柳花飛蕪草青。故鄉南望幾長亭。城邊客散
重回首。愁見孤鴻落晚汀。

聞歌

明月暫隨秦弄玉。碧空遙度楚行雲。莫言此曲
終堪聽。孔雀東南各自分。

諸將入朝歌十二首

北掃燕齊南楚吳。風吹殺氣散興圖。蓬萊山下
朝諸將。天子戎衣受虜俘。

大將龍旗朝帝京。至尊親遣貴臣迎。侍中
獨領嫖姚部。戰馬皆歸龍虎營。

羣公陪宴柏梁臺。殿上傳呼萬壽杯。元戎節鉞

來江上使者樓船泛海迴

河濟江淮血不流中原萬馬一時收黃金未散
成功士白晝縣先裒敗將頭

河北諸軍盡有名雲中驍騎本輕生金裝白馬
翩翩出不見長安子弟兵

玉佩金貂列上勳槌牛殺馬犒三軍萬里旌旗
天上度滿城金鼓日邊聞

天下山河有洛中漢家州縣滿山東將軍不畫

麒麟像士卒休論汗馬功

龍虎金陵擁帝居吳閩水府控淮徐樓船一
鼓風波力滄海鯨鯢作金魚

闕下千官侍鳳樓苑中天子建龍旗豹房虎
圈先班賞武帳前邊賜姓侯

戰士歸來皆武冠紫纓驅馬跨金鞍可憐萬國
城頭月照見沙場白骨寒

少年生長在邊城介冑南征蟻風生馬上朝來

賦當任賦

橫吹曲梅花一半是吳聲

杲杲扶桑朝日升東瞻碣石海波澄正德七年
誅叛賊大明八葉觀中興

樊駙馬府中宴

主家行酒雙玉杯上客不醉歌頻催秦女簫中
明月度鳳凰樓上彩雲迴

閣內杏花

東掖杏花開不遲日邊春色獨先知未薦王盤

寶

千歲寶空看仙閣五雲枝

孫太史宅贈呂揮使二首

壯士承恩天上還黃雲白雪暗西山破虜未傳

青海曲封侯須到玉門關

白馬驛弓出剡門相逢意氣倒金尊功勳要識

將軍品文字先看大史孫

贈薛君采二首

五花似玉麒麟膏八尺如龍駮裏身千金豪士

臺上

求非易萬馬群中認未真
爾夢仙人海上行逢萊清淺不勝情金門再見
東方朔咲指蟠桃花更生

送韓汝慶還閩中二首

六月西山雷雨低長安城中十日泥君騎鴻鵠
冥冥去此地愁看燕雀棲
華岳雲臺萬里情高秋落日眺秦城黃河一線
通滄海身在仙人掌上行

燕京十六夜曲四首

御河橋畔千尺臺燕京女兒踏歌來臺上歌鐘
日夕起橋頭酒壚深夜開

萬歲山頭鎖玉樓十王館中人不遊中霄金鼓
雲間動翠輦龍衣過五侯

九衢車馬似山河萬金買燈不道多已留華月
照歌舞更放香風吹綺羅

月高罷遊閨九闕暗塵吹汚香霧鬢誰家少年

看一本作看

亦太惡拾着金鈿不肯還

苦熱行十首

六月十一日苦熱奪伏爭秋番太強燕京何限
好樓閣袒走狂呼無地涼

日午放朝車馬頻中天風火促颺輪侯宮殿館
水山冷赤日黃埃渴殺人

宮裏傳水賜從官含霜弄雪白雲寒銀牀畫鎖
瑠璃卮玉殿陰沉瑪瑙盤

瑠

畫

午門朝罷午時過千官萬馬汗成河莫道宮中
愛長畫長畫宮中樂事多

西山松柏千丈臺陰崖脚踏層冰開巖樓泃閣
生霜雪觸熱衝炎誰為來

長安萬家懸甌裏風捲塵沙當晝起五侯堂上
冰成山朝見成山暮成水

城西山峻火雲峰丹梯無路躡芙蓉白石寺前
堪避暑昨朝雷拔殿壇松

彎弓

赤地驕陽草不生
河潭霹靂懶龍驚
彎弓后羿
非夸父莫放青天十日行

晝夜蚊蠅飛滿天
穿窓撲帳攪人眠
乘炎趁熱
雖吾畏露打霜飄不汝憐

胡馬炎天動萬群
昨傳遼水殺將軍
玉師六

月殲儼仇
兵氣遙蒸瀚海雲

內閣荷花二首

誰送仙葩此地栽
綵雲飛盡對蓬萊
雕闌玉檻

圍花發不放金盤
十丈開

風吹菡萏並頭開
水照金魚隊隊回
映日跳波

珠湯碾接雲步障
錦成堆

送鞏丞之金壇因訊養和

鞏丞若問金壇事
為見風流御史才
到日琴堂

定無事松廳竹檻對江聞

雨望西山

碧山鳴雨過嵯峨
湖水風增萬丈波
千尺浮圖

七才詩

王世貞

嶽色畫晴

迴菡萏

清暑殿高窓白石細盤蘿

送王提舉

日出帆高烟水空。嶺雲遙在粵天東。此行不為
浮江興。他日須傳煮海功。

東岳亭

小築東岳白石砭。孤亭裊裊出烟江。細分楊柳
開風檻。倒影扶桑坐日暎。

椒軒

春開軒地引紅椒。錦樹西江望不遙。當戶踈簾
看結竇。背岡茅屋憶行條。

寄少谷山人二首

武夷九曲上仙庭。錦疊青天萬仞屏。下望神人
釣鰲石。北風吹霧海冥冥。

台嶽中峰綵霧生。石梁遙挂赤霞城。仙潭尺素
傳雲鯉。報爾今尋華湏行。

送陳進士還江西

谷

小一本作卜

廬山高起讀書臺萬卷少年今日開九派江流
何處入海風吹浪楚帆來

張子近得道士飲鹿血術欲試未得吾
家有一鹿欲取血飲張子臨庖哀呼不
忍見死乃作詩遺張子焉

聞食玉脯飲丹血補腦還精身體輕刀几郎看
衰一死道人那忍說長生

送甥朝良讀書梅黃山下

聞汝讀書山之中閉門一峰蕪萬峰但知高鳳
曾飄麥不論下生解夢松

宮詞四首

杳杳高城南苑隍苑中日夕翠華臨城邊獵騎
分行逐射得黃能索賜金

碧草萋萋生御溝垂楊嫋嫋夾朱樓窓臨北斗
空中起水接銀河天上流

微霜淒淒金井攔城頭月出凍雲殘玉樓高對

蓬萊雲誰道宮中夜不寒

宮中夕寒花不開金屋沉沉玉殿苔
纔見高臺燈火下更聞前路管絃催

寄岳陽龐推官四首

君因謫宦留南郡予亦罷官歸故鄉
同是鳳凰池上客江湖千里轉堪傷

洞庭湖邊花柳新岳陽樓上更逢春
閑來載酒

題詩去還似當時賈舍

唐賈至謫
二陵

三載江城佐郡郎十年丁巳上舊鸛行曾持畫省

郎官筆况着瑤瑤近侍裳

湖水春來不見沙九疑南望是天涯
軒轅臺上

清風樹湘女園祠日暮花

寶鷄縣

以下秦集

鷄鳴山下古陳倉板屋千家清渭傍
曲岸迢迢凌秀麥流渠宛轉入垂楊

漢中歌二首

漢王昔日定三秦，壯士東歸意氣新。
旌旗暗度陳倉口，父老重迎灞水濱。

燒棧登壇各有勳，謀臣猛將鬱如雲。
關中自識龍顏主，海內爭看縞素軍。

終南篇

離宮別館舊京華，表裏關河屬漢家。
二閤天虛青錦障，五臺雲湧石蓮花。

四圖詩贈何燕 四首

臥遊亭在古椿園，萬甲車出塞垣。
天馬一從隨漢使，星槎誰復到河源。
右職方奉使

河南河北望行塵，露冕褰帷惟拜野人。
嵩少風雲千里色，覃懷花柳萬家春。
右藩省旬宣

當朝大僕世稱賢，在駟常歌魯頌篇。
天上駟駒惟一骨，苑中駟牝實三千。
右大卿考牧

西域百年通貢篚，中丞萬里建旄旄。
坐掃蠻山開瘴癘，永令滇海息波濤。
右都憲巡撫

元日

扶桑日射南山觀
楊柳春回北斗城
萬里冠裳遙望闕
九霄車駕喜還京

畫竹

誰開素練寫烟梢
欲采琅玕奏玉簫
猶憶鳳凰池閣上
坐聽風雨下層霄

米元童拜石圖

節比巖巖志比堅
冠裳下也堪憐
此意世人

章

誰解識至今空羨米家

真

大復集卷第二十九



